

**DIRULAGUNTZA-PROGRAMEI BURUZKO EBALUAZIOA 2023****OSASUNA**

1. Osasun-arloko ikerketa- eta garapen-proiektuetarako laguntzak 2
2. Droga-mendekotasunen prebentzio komunitarioko talde teknikoak sortzeko eta mantentzeko, adikzioen prebentzio komunitarioko programak garatzeko eta prebentziorako eta arrisku eta kalteen murrizketarako proiektuak, edo ohitura osasungarriak sustatzeko laguntzak 5
3. GIB/HIESA, C Hepatitisa (CH) eta sexu-transmisiozko infekzioak prebenitzera eta kontrolatzera bideratutako jarduerak ean garatzen dituzten irabazi-asmorik gabeko gizarte-ekimeneko erakundeentzako laguntzak 7
4. Euskal Autonomia Erkidegoko gaixoen eta haien familien bizi-kalitatea hobetzea xede duten irabazi-asmorik gabeko gizarte-ekimeneko elkartei zuzendutako laguntzak 9
5. Euskal Autonomia Erkidegoko toki-esparruan osasuna sustatzeko dirulaguntzak 11
6. Elkarteei eta kooperatibei zuzendutako laguntzak, ikasleen artean jarduera fisikoa sustatzera eta sedentarismoa murriztera bideratutako partaidetza-proiektuak garatzeko 13
7. 2023ko osasun-arloko profesionalak prestatzeko bekak eta laguntzak 15
8. Euskadiko osasun-sistemako langileek agindutako tratamendu medikoak betetzea errazteko laguntzak, 2022ko eta 2023ko urteetakoak 18



1.- Dirulaguntza-programaren izenburua

Osasun-arloko ikerketa- eta garapen-proiektuetarako laguntzak

2.- Araua

AGINDUA, 2022ko apirilaren 5ekoa, Osasuneko sailburuarena, osasunaren alorreko ikerketa- eta garapen proiektuetarako laguntzen 2022eko deialdia arautzen duena.

3.- Programaren araua, deialdia eta emate-ebazpena (EHAari Hiperesteka)

Deialdia:

AGINDUA, 2023ko maiatzaren 30ekoa, Osasuneko sailbuarena ([EHHA, 109. zk, 2023/06/09ekoa](#))

EMATE-EBAZPENA:

1. lerroa: "Ikerketa sanitarioko jarduerak sustatzea" ([EHAA, 5. zk, 2024/01/08koa](#))
2. lerroa: "Ikerketa sanitarioko jarduerak areagotzea" ([EHAA, 3. zk, 2024/01/04koa](#))
3. lerroa: "Osasunari buruzko ikerketa estrategikoa bultzatzea" ([EHAA, 3. zk, 2024/01/04koa](#))
4. lerroa: "Interes bereziko ekintza osagarriak" ([EHAA, 3. zk, 2024/01/04koa](#))

4.- Dirulaguntza-programaren azalpen laburra eta helburuak

Diru-laguntzen programa honen xedea da osasunari buruzko ikerketa eta garapenerako laguntzen 2023ko deialdiaren oinarriak ezartzea, publikotasunaren, gardentasunaren, konkurrentziaren, objektibotasunaren, berdintasunaren eta diskriminazio-ezaren printzipioei jarraikiz, bai eta laguntzok ematen dituen Administrazioak finkatutako helburuak betetzeko efikaziari eta baliabide publikoak esleitu eta erabiltzeko efizientziari erreparatuta ere.

Agindu honetan adierazitako jarduketan azken helburua da pertsonen osasuna eta sistema sanitarioaren jarduera hobetzea, bai eta garapen sozioekonomikoari laguntzea ere, asistentzia sanitarioa eta bizi-kalitatea hobetuko duten produktuak, zerbitzuak eta prozesuak garatzearen bidez

2023ko deialdiak 2022ko deialdiko lau laguntza-lerro eusten die, honako helburu hauekin: osasun-sistemaren ikerkuntza indartzea, I+Gko belaunaldi-erreleboa, RIS3ren hazkundera Osasun Pertsonalizatuaren arloan, I+Gko jardueretarako dedikazioa handitzea eta Euskadiko osasun-sisteman ikerketa-kultura indartzea.



- 5.- Lortutako emaitzak, aurrekontuaren gauzatzea eta eragina gizartean (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

Eskaeren guztizko kopurua (1., 2., 3. eta 4. lerroak): 148. Esleitutako proiektuen guztizko kopurua: 59.

« Ikerketa sanitarioko jarduerak sustatzea » izeneko 1. lerroan:

- Baliozko eskaeren kopurua: 85.
- Esleitutako proiektuen kopurua: 22, eta laguntzen lerro honen aurrekontuaren %21,14 bideratu da Talde gazteak sustatzea *susperraldian dauden taldeen sustapenera*.

«Ikerketa sanitarioko jarduerak areagotzea» izeneko 2. lerroan:

- Baliozko eskaeren kopurua: 6.
- Esleitutako proiektuen kopurua: 6.

«Osasunari buruzko ikerketa estrategikoa bultzatzea» izeneko 3. lerroan:

- Baliozko eskaeren kopurua: 55.
- Esleitutako proiektuen kopurua: 29.

«Interes bereziko ekintza osagarriak» izeneko 4. lerroan:

- Baliozko eskaeren kopurua: 2.
- Esleitutako proiektuen kopurua: 2.

Esleitutako 58 proiektuetatik 29tan, emakumeak ziren ikertzaile nagusiak (diruz lagundutako proiektuen %50).

Erabilgarri zeuden funtsen %100 exekutatu da.

Hautatutako proiektuek, kalitate zientifiko altua edukitzeaz gain, inpaktu sozial handiko gai biomedikoak edo oro har osasun-arlokoak jorratzen dituzte, eta osasun-sistemaren jarduna nahiz herritarrei ematen zaien arreta hobetzeko xedea dute. Proiektuek honako eremu hauek hartzen dituzte: diagnostikoa eta/edo pronostikoa; gaixotasunen bilakaerari eta/edo kontrolari lotutako faktoreak; hainbat gaixotasunen tratamendu terapeutikoa (neurodegeneratiboak, besteak beste); medikuntza pertsonalizaturako biomarkatzaileak eta teknologiak; gaixotasunen arrisku-faktoreen identifikazioa; iragarpen-ereduak; telemonitorizazioari aplikatutako adimen artifiziala; in vitro modeloen 3Dko bioinprimaketa; eraginkortasunaren eta kostuaren ebaluazioa, eraginkortasuna, inpaktua edo esku-hartzeen ezarpenaren ebaluazioa; zahartzea; patologiei buruzko hainbat alderdi, hala nola minbizia, gaixotasun arraroak, gaixotasun neurodegeneratiboak, obesitatea eta diabetesa; gailu medikoak; medikuntza birsortzailea eta terapia aurreratuak.



6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emitza</u>
Finantzatutako osasun-arloko ikerketa-jarduera sustatzeko I+G proiektuen kopurua	20	22
Ikerketa-jardueraren areagotze-kopurua	5	6
RIS3 strategiaren barruan zenbat proiektu eta zenbat lankidetzak eta garapen-ekintza	15	31
I+G proiektuetako ehuneko zenbatean ikertzaile nagusia emakumezkoa	% 45	%50

2023ko dirulaguntzen plan estrategikoan adierazitako adierazleak, oro har, bete dira.



1.- Dirulaguntza-programaren izenburua

Droga-mendekotasunen prebentzio komunitarioko talde teknikoak sortzeko eta mantentzeko, adikzioen prebentzio komunitarioko programak garatzeko eta prebentziorako eta arrisku eta kalteen murrizketarako proiektuak, edo ohitura osasungarriak sustatzeko laguntzak

2.- Araua

AGINDUA, 2023ko uztailaren 4eko Agindua, Osasuneko sailburuarena. Horren bidez, laguntza ekonomikoen deialdia egiten da talde teknikoak sortu eta mantentzeko, adikzioen prebentzio komunitarioko programak garatzeko eta arrisku eta kalteak prebenitu eta murrizteko proiektuak egiteko, bai eta jarduera-esparru horietan ohitura osasungarriak sustatzeko ere, 2023ko ekitaldian. (EHAA 141. zk., 2023ko uztailaren 26a)

3.- Programaren araua, deialdia eta emate-erabakia (EHAARI Hiperesteka)

Deialdia: EHAA zkia 141. 2023ko uztailaren 26

<https://www.euskadi.eus/web01-bopv/eu/bopv2/datos/2023/07/2303613e.shtml>

4.- Dirulaguntza-programaren azalpen laburra eta helburuak

Honako hauei emango zaizkien laguntza ekonomikoak:

- EAEko toki-erakundeak, dela Adikzioen prebentzio komunitariorako talde teknikoak sortzeko edo mantentzeko, dela arriskuak eta kalteak prebenitzeko eta murrizteko programak eta esku-hartzeak garatzeko, dela Adikzioen tokiko planetan dauden jokabide osasungarriak sustatzeko. Plan horiek jarduketa egituratu eta koordinatuen multzo ordenatu bat osatzen dute, onartuta egongo dira edo egiteko prozesuan, eta udalerriek banaka edo mankomunitate egin eta garatuko dituzte.
- Irabazi-asmorik gabeko gizarte-ekimeneko erakundeak, Adikzioen ondoriozko arriskuak eta kalteak prebenitzeko eta gutxitzeko proiektuak egiten dituztenak, eta jarduera-eremu horretan ohitura osasungarriak sustatzen dituztenak.

5.- Lortutako emaitzak, aurrekontuaren gauzatzea eta eragina gizartean (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

- Ekipo teknikoak sortzeko eta mantentzeko lerroa.

Neurria: Emakida-kopurua, toki-erakundeak.

- Arabako 3 udal eta Arabako Foru Aldundia
- Gipuzkoako 11 udal/mankomunitate



- Bizkaiko 21 udal/mankomunitate

Kapitulu honen diru-zuzkidura 1.174.135 eurokoa da. Emandako laguntza, guztira, eskabide guztien aurrekontuan jasotakoaren % 40,70 da (2.884.685 €).

- Adikzioen prebenitzeko komunitarioko programak garatzeko eta ohitura osasungarriak sustatzeko lerroa.

44 programa, beste hainbeste toki-erakunderenak; ez da eskaerarik ezetsi.

- Arabako 3 udal
- Gipuzkoako 18 udal/mankomunitate
- Bizkaiko 23 udal/mankomunitate

Kapitulu honetako diru-zuzkidura 561.765 eurokoa da. Emandako laguntza, guztira, eskabideen aurrekontuan jasotakoaren % 13,70 da (4.095.168 €).

- Arrisku eta kalteak prebenitzeko eta murrizteko proiektuak egiteko eta ohitura osasungarriak sustatzeko lerroa.

33 entitateak izan dira onuradun, 83 proiektuekin. Entitate batzuek proiektu bat baino gehiago aurkeztu dituzte. Aurkeztutako proiektu guztiek jaso dute diru-laguntza.

Kapitulu honetako diru-zuzkidura 1.118.500 €-koa izan zen. Emandako laguntza, guztira, eskabide guztien aurrekontuan jasotakoaren % 23,82 da (4.692.868 euro).

Bereziki aipatzen da deialdia oso berandu argitaratu dela, zuzendaritzarekin zerikusirik ez duten arrazoiengatik, eta atzerapenak egon direla emandako laguntzak ordaintzeko orduan; finantzaketa-falta hori dela eta, entitate onuradunek ezin izan dute, askotan, beren proiektua diseinatu, ezta, ondorioz, eskaera aurkeztu ere.

6.- Dirulaguntza Plan Estrategikoaren adierazle emaitzak

<u>Adierazlea:</u>	<u>Aurreikuspena</u>	<u>Emaitza</u>
Toki-erakundeei emandako emakiden kopurua:		
II. Kapitulu	34	36
III. Kapitulu	43	44
Proiektuen kopurua (III kapitulu)	170	172
Gizarte-ekimeneko erakundeen kopurua (IV: kapitulu):	35	33
Proiektuen kopurua (IV. kapitulu)	75	83



1.- Dirulaguntza-programaren izenburua

GIB/HIESA, C Hepatitisa (CH) eta sexu-transmisiozko infekzioak prebenitzera eta kontrolatzera bideratutako jarduerak ean garatzen dituzten irabazi-asmorik gabeko gizarte-ekimeneko erakundeentzako laguntzak

2.- Araua

AGINDUA, 2023ko apirilaren 26koa, Osasun sailburuarena; honen bidez, laguntzetarako deia egiten zaie EAEn GIB/hiesa, C hepatitis eta sexu bidez transmititzen diren infekzioak (STI) prebenitzeko eta kontrolatzeko jarduerak egiten dituzten irabazi asmorik gabeko eta ekimen sozialeko erakundeei.

3.- Programaren araua, deialdia eta emate-ebazpena (EHAri Hiperesteka)

Deialdia:

AGINDUA, 2023ko apirilaren 26koa, Osasuneko sailburuarena (<https://www.euskadi.eus/web01-bopv/eu/bopv2/datos/2023/05/2302123e.shtml>)

Emate-ebazpena:

EBAZPENA, 2023ko irailaren 18koa Osasuneko sailburuordearena (<https://www.euskadi.eus/web01-bopv/eu/bopv2/datos/2023/10/2304621e.shtml>)

4.- Dirulaguntza-programaren azalpen laburra eta helburuak

Herri Administrazioek martxan jartzen dituzten ezinbestekoak dira infekzio horren transmisioa prebenitzeko ahalegin bateratu horretan laguntzeko eta birus eramaileen egoera hobetzeko.

Hona hemen laguntza horien jomugan daudenak:

- a) Gizonekin sexua daukaten gizonei zuzendutako proiektuak, kontuan hartuta zenbaterainoko garrantzi epidemiologikoa duen giza-talde horrek gaur egun.
- b) GIBari dagokionez egoera zaugarrian dauden beste giza-talde batzuei zuzendutako proiektuak; kasurako, etorkinak, drogak bide parenteraletik hartzen dituztenak eta prostituzioan lan egiten dutenak.
- c) GIBaren, CHaren eta STIen infekzioen diagnostiko goiztiarrera bideratutako proiektuak
- d) GIBa duten pertsonen babes psikologikoa eta soziala emateko proiektuak



5.- Lortutako emaitzak, aurrekontuaren gauzatzea eta eragina gizartean. (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

Hortaz, 300.000,00 €-ko diru-laguntza jaso dute hainbat proiektu eta jarduerak. Horien bitartez, erakundeek behar-beharrezkoa den lana bideratzen dute, Administrazioa ez baita heltzen zenbait giza-talderi babesa ematera eta horiei prebentzioan aurrera egiten laguntzera.

Dirulaguntza guztiaren %27a harreman homosexualak dituzten gizonei zuzendutako proiektuei bideratu da, %24a droga injektatzaileei zuzendutakoei, %18a prostituzioan aritzen diren zuzendutako proiektuei, %7a kanpotarrei zuzendutakoei, %12a diagnostiko berantiarra laguntzeko proiektuei eta %12a laguntza emozionala lantzen duten proiektuei.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Diru laguntza jasotzen duten elkarte kopurua	16	16



1.- Dirulaguntza-programaren izenburua

Euskal Autonomia Erkidegoko gaixoen eta haien familien bizi-kalitatea hobetzea xede duten irabazi-asmorik gabeko gizarte-ekimeneko elkartei zuzendutako laguntzak

2.- Araua

AGINDUA, 2023ko apirilaren 18koa, Osasuneko Sailburuarena, 2023ko ekitaldirako Euskal Autonomia Erkidegoko gaixoen eta haien familien bizi-kalitatea hobetzea xede duten irabazi-asmorik gabeko gizarte-ekimeneko elkartei zuzendutako laguntzak arautu eta haietarako deialdia egiten duena.

3.- Programaren araua, deialdia eta emate-ebazpena (EHAri Hiperesteka)

Deialdia:

AGINDUA, 2023ko apirilaren 18koa, Osasuneko Sailburuarena (EHAA, 85. Zk., 2023ko maiatzaren 8a)

AGINDUA, 2023ko maiatzaren 24koa, Osasuneko Sailburuarena, 2023ko apirilaren 18ko aginduaren aldaketa (EHAA, 102. Zk., 2023ko maiatzaren 31)

Emate-ebazpena:

EBAZPENA, 2023ko irailaren 7koa, Osasuneko Sailburuordearena (EHAA, 182. Zk., 2023ko irailaren 22a)

4.- Dirulaguntza-programaren azalpen laburra eta helburuak

Dirulaguntza lerro honen helburu nagusia gaixotasunen bat duten pertsona-kolektiboan eta haien familien ongizatea eta bizi-kalitatea hobetzera bideratutako jarduerak finantzatzen laguntzea da. Zehazki:

- Gaixotasunen bat duten pertsonen kolektiboan eta haien familiei trebetasunak eta baliabideak garatzen laguntzea, beren burua zaintzeko ahalmena maximizatzeko eta beraien autonomia areagotzeko.
- Kaltetutako pertsonen behar soziosanitarioetan laguntzea eta horiek bideratzea, ikuspegi osasungarri batetik, osasuna sustatze ikuspegitik eta helburu komunitarioekin.
- Gaixotasunari buruzko ezagutza eta informazioa areagotzea kaltetutako pertsonetan eta haien familietan, eta gaixotasunaren arrisku-faktoreei eta osasun-jokabide egokienei buruzkoa.
- Kaltetutako pertsonen osasun-desberdintasunak murriztea eta genero-ikuspegia txertatzea.

Gaixoen elkarteak patologia bera duten pertsona fisikoen taldeak dira eta honako helburu hauek dituzte: dena delako gaixotasuna eta berau sendatzeko tratamenduak hobeto ezagutzeko lan egitea, elkarrekiko laguntza lortzeko, eta gainerako herritarrei gaixotasunaren prebentzioari buruzko informazioa ematea, herritarren ongizatea eta bizi-kalitatea hobetzen lagunduz.



5.- Lortutako emaitzak, aurrekontuaren gauzatzea eta eragina gizartean. (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

2023an, programaren ebaluazioan kontuan hartu beharreko helburu adierazlea 65 proiektu diruz laguntzea izan zen. Guztira 93 proiektu lortu ziren, eta deialdiaren % 100 esleitu zen, 300.000 euroko guztizko zenbatekoarekin.

Hainbat patologia dituzten paziente eta senideei laguntzeko jarduerak diruz lagundu dira, hala nola:

- minbizia
- diabetesa
- buru- eta portaera-nahasmenduak
- nerbio-sistemaren eta sistema osteomuskularraren nahasmendua
- elikadura-nahasmenduak, etab.

Honako hauek izan dira diruz lagundutako jarduera nagusiak:

- gaixoentzako eta familiartekoentzako autolaguntza eta babes-taldeak
- laguntza psikologiko eta soziala, familia-unitateko pertsona guzien bizi-kalitatea handitzeko
- talde-terapiak
- pazienteentzako eta familiartekoentzako prestakuntza-hitzaldiak
- gaixotasunei buruzko informazio eta sentsibilizazioa
- informazio-gida espezifikoaren prestaketa

Elkarteek aurkeztutako memorieta zehazten dira dirulaguntzen emaitzak.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Diruz lagundutako proiektuak	65	93



1.- Dirulaguntza-programaren izenburua

Euskal Autonomia Erkidegoko toki-esparruan osasuna sustatzeko dirulaguntzak

2.- Araua

AGINDUA, 2023ko ekainaren 27koa, Osasuneko sailburuarena, zeinaren bidez onartzen baitira 2023ko ekitaldian Euskal Autonomia Erkidegoko toki-esparruan osasuna sustatzeko partaidetza-proiektuak garatzeko dirulaguntzak emateko deialdiaren oinarri.

3.- Programaren araua, deialdia eta emate-ebazpena (EHAri Hiperesteka)

Deialdia:

AGINDUA, 2023ko ekainaren 27koa, Osasuneko Sailburuarena (EHAA, 139. Zk., 2023ko uztailaren 21a)

Emate-ebazpena:

EBAZPENA, 2023ko azaroaren 29koa, Osasuneko Sailburuordearena (EHAA, 3. Zk., 2024ko urtarrilaren 4a)

4.- Dirulaguntza-programaren azalpen laburra eta helburuak

Diru-laguntzen lerro honen helburu nagusia hau da, laguntza ekonomikoen deialdia egitea tokiko ekintza komunitarioa sendotzeko, eta osasuna sustatzeko proiektuak garatzeko, non eta helburu komunitarioak izanez, asmoei, arazoei edo interesekoak diren gaiei erantzuna ematen dutela komunitatearen beharrei.

Toki-erakundeei, tokiko erakunde autonomoei eta tokiko merkataritza-sozietateei zuzendutako dirulaguntzak dira.

Laguntza hauen helburua 2023an hurrengoetara zuzendutako partaidetza-proiektuetak finantziatzea izan zen:

- a) Espazio berean bizi direnen bizi-baldintzak hobetzea.
- b) Osasuna eta ongizatea hobetzeko prozesuetan ekintza indibidualeko eta kolektiboko gaitasunak sustatzea.
- c) Loturak eta gizarte-kohesioa indartzea, kalteberatasun-egoeran dauden kolektiboak barne hartuta.



5.- Lortutako emaitzak, aurrekontuaren gauzatzea eta eragina gizartean. (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

2023an, programaren ebaluazioan kontuan hartu beharreko helburu adierazlea 40 proiektu diruz laguntzea izan zen. Lortutako kopuruek, diruz lagundutako 43 proiektuk, aurrekontuei programari zegokion aurreikuspenen betetze-maila lortu zuten, eta deialdiaren % 100a esleitu zen, 250.000 euro.

Honako hauek izan dira diruz lagundutako jarduera nagusiak:

- Partaidetza-proiektuak egitea, bizikidetzaren eremuko biztanleen bizi-baldintzak hobetzeko.
- Banakako nahiz taldeko ekintza-gaitasunak indartzea, osasuna eta ongizatea hobetzera bideratutako prozesuetan.
- Loturak eta gizarte-kohesioa indartzea, kalteberatasun-egoeran dauden kolektiboak barne egonda.

Laburbilduz, bidalitako memorien ebaluazioetan oinarrituz, esan daiteke dirulaguntza hauek eta beraiei lotutako emaitzak positiboak izan direla.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Diruz lagundutako proiektuak	40	43



1.- Dirulaguntza-programaren izenburua

Elkarteei eta kooperatibei zuzendutako laguntzak, ikasleen artean jarduera fisikoa sustatzera eta sedentarismoa murriztera bideratutako partaidetza-proiektuak garatzeko

2.- Araua

AGINDUA, 2023ko abuztuaren 29koa, Osasuneko sailburuarena, zeinaren bidez elkarte eta kooperatibei zuzendutako laguntzen deialdia egiten baita, EAEko ikasleen jarduera fisikoa sustatzera eta sedentarismoa murriztera bideratuta dauden parte hartzeko proiektuak gauzatzeko 2023-2024 ikasturtean zehar.

3.- Programaren araua, deialdia eta emate-ebazpena (EHAri Hiperresteka)

Deialdia:

AGINDUA, 2023ko abuztuaren 29koa, Osasuneko Sailburuarena (EHAA, 175. Zk., 2023ko irailaren 13a)

Emate-ebazpena:

EBAZPENA, 2023ko abenduaren 16koa, Osasuneko Sailburuordearena (EHAA, 8. Zk., 2024ko urtarrilaren 11)

4.- Dirulaguntza-programaren azalpen laburra eta helburuak

Agindu honen helburua da osasuna sustatzea eskola-mailako jarduketetan eta sektore sanitariokoak ez diren gainerako eremuetan

Dirulaguntza hauen xedea jarduera hauek finkatzea da:

- a) Parte hartzeko proiektuak gauzatzea eskola-bideak sortu eta dinamizatzeko, hiri-espazioek mugikortasun aktibo eta segururako eskaintzen dituzten aukerak baliatuz.

Eskola-bidetzat joko dira ibilbide zehatzak, aurrez ezarriak eta markatuak, eskola-umeek erabil ditzaketenak ikastetxeetako joan-etorriak modu aktiboan (oinez, gurpil-oholez, bizikletaz eta antzekoak erabiliz), seguruan eta autonomoan egiteko, eta, hala, espazio publikoaren erabilera eta gozamina berreskuratzeko.

- b) Parte hartzeko proiektuak gauzatzea, ikastetxeetako jolastokiak ikasteko, jolasteko eta mugitzeko espazio inklusibo bihurtzeko eta/edo dinamizatzeko, baita kalitatezko harremanak eta esperientziak eraikitzeko ere, eskola-ordutegian zein hortik kanpo, berdintasunean eta kultura, etnia, adin, sexu, desgaitasun eta bestelako aniztasunarekiko errespetuan oinarrituta eta ikasleen eta haien familien behar eta interesetara egokituta.

Proiektu horiek beharko dute:

- 1.- Ikastetxeko ikasle guztien jolas-aukerak, jarduera fisikoa eta elkarbizitza handitu.



2.- Neskek jarduera fisikoa egitea berariaz sustatu, jarduera-ezaren ratioa handiagoa baita kolektibo horretan.

3.- Mugimendua eta jolas aktiboa sustatu ikasle helduenen edo bigarren hezkuntzako ikasleen artean, adin-tarte horretako sedentarismorako joera saiheste aldera.

c) Familian ohiko jarduera fisikoa egitea bultzatzera bideratutako jarduerak sustatzea, hala nola mendi- edo bizikleta-irteerak, ibilaldiak irristailuetan edo familian egiteko jolas-jarduerak.

5.- Lortutako emaitzak, aurrekontuaren gauzatzea eta eragina gizartean. (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

Laguntza hauek urte anitzekoak dira, ikasturteko iraupen bera dute eta 2024ko uztailan bukatuko dira, diruz lagundutako proiektuaren justifikazioa aurkezten direnean.

2023an, 81 eskari aurkeztu ziren. 2024aren hasieran diruz lagundutako 53 proiektu esleitzea ebatzi zen, eta aldeaz aurreko esleitutako kopuruaren % 70ko ordainketa (175.000 euro).

Honako hauek izan dira diruz lagundutako proiektu nagusiak:

- partaidetza-prozesuen dinamizazioa, beraien egoerari buruzko, diseinuari buruzko eta garapenari buruzko hausnarketan.
- ikastetxearen inguruko mugikortasuna aztertzea, espazio fisikoaren eta haren erabilerarena, eta jarduera fisikoarena eta familien sedentarismoaren mailena, beraien beharrena eta lehentasunena.
- solasaldiak, tailerrak eta/edo deialdiaren xedearekin zerikusia duten beste jarduera batzuk antolatzea.
- behar den materiala eskuratzea.
- mugikortasun aktiboa bultzatzen duten ikastetxeetako espazioak egokitzea.

2022-2023 ikasturteko deialdia 2023an bukatu zen, justifikazioak aurkeztu eta esleitutako zenbatekoaren % 30 ordainketarekin (40.800 euro), eta bidalitako memorien ebaluazioetan oinarrituz, esan daiteke dirulaguntza hauek eta beraiei lotutako emaitzak positiboak izan direla.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Diruz lagundutako proiektuak	25	53



1.- Dirulaguntza-programaren izenburua

2023ko osasun-arloko profesionalak prestatzeko bekak eta laguntzak

2.- Araua

AGINDUA, 2023ko uztailaren 4koa, 2023. urtean osasun-arloko profesionalak prestatzeko bekak eta laguntzak emateko deialdia egin eta arautzen duena.

3.- Programaren araua, deialdia eta emate-ebazpena (EHAAri Hiperesteka)

Deialdia:

AGINDUA, 2023ko uztailaren 4koa, Osasuneko sailburuarena (EHAA, 167. zk., 2023/09/1ekoa)

Emate-ebazpena:

EBAZPENA, 2023ko azaroaren 22koa, Osasuneko sailburuarena (EHAA, 232. zk., 2023/12/05ekoa)

HUTS-ZUZENKETA, honako xedapen honena: Agindua, 2023ko azaroaren 22koa, Osasuneko sailburuarena (EHAA, 240. zk., 2023/12/19koa)

4.- Dirulaguntza-programaren azalpen laburra eta helburuak

EAEko arlo sanitarioko profesionalak prestatzeko banakako laguntzak eta bekak ematea. Prestakuntza-jarduerak 2023an hasi behar dira, modalitate hauetakoren batean:

- a) Estatuko unibertsitate-ikastegiekin edo Osasun Ministerioaren mendeko osasun-institutuekin, edo autonomia-erkidegoen mendeko osasun-eskolekin emandako graduondoko ikastaroetan parte hartze; edo aipatutako erakundeekin ematen ez badituzte ere, hitzarmen baten bitartez halako izaera lortzen duten ikastaroetan parte hartzea, baldin eta unibertsitatearen graduondoko titulu propioen bat sortzen badute.
- b) Atzerriko unibertsitateekin emandako graduondoko ikastaroak egitea, Sailarentzat estrategikoak diren arloetan konpetentzia aurreratuak eskuratzera bideratuta badaude.
- c) Atzerriko zentro sanitarioetan edo ikerketa sanitarioko zentroetan prestakuntza-egonaldiak egitea, osasun-zientziekin lotutako arlo guztietan ezagutzak eta trebetasunak areagotzera bideratutako prestakuntza-programa indibidualizatuak egiteko.



- 5.- Lortutako emaitzak, aurrekontuaren gauzatzea eta eragina gizartean (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

2023ko ekitaldirako deialdiaren zenbatekoa 180.000 eurokoa izan zen (108.000 euro 2023ko aurrekontuaren kontura eta 72.000 euro 2024rako konpromiso-kredituei zegozkien). Deialdia ebatzi ondoren, 95.620,05 euro esleitu ziren, aurrekontuaren %53,12.

Guztira, 23 beka eman dira aurkeztutako 59 eskaeren artean. Estatuko unibertsitate-zentroetan graduondoko ikastaroak egiteko 19 laguntza eman ziren, atzerriko unibertsitate-zentroetan graduondoko ikastaroak egiteko laguntza 1 eta atzerriko zentroetan prestakuntza-egonaldiak egiteko 3 laguntza.

Lurraldearen eta urtearen arabeko banaketa honako hau da:

Lurraldea	Onuradunen kop.	2023ko ekialdia	2024ko ekialdia	Guztira
Araba	3	5.756,64	3.837,76	9.594,40
Bizkaia	13	34.105,09	22.736,72	56.841,81
Gipuzkoa	7	16.845,26	12.338,58	29.183,84
Osoa	23	56.706,99	38.913,06	95.620,05

36 eskaera ukatu dira; horietatik 6 Arabakoak dira, 16 Bizkaikoak eta 14 Gipuzkoakoak. Atzera egin dute 4 eskabidek, 3 Gipuzkoakoak eta 1 Bizkaikoak; 2, bikoiztasunagatik, eta 2, berriz, prozeduratik. Ukatutako eskaeren artean, adierazi behar da zenbait eskabidek ez betetzeko hainbat arrazoi dituztela. Bestalde, gora jotzeko 3 errekurtsu (ezetsiak) eta berraztertze errekurtsu bat (baietsia) aurkeztu dira.

Deialdia urte anitzekoa denez, diruz lagundutako prestakuntza-jarduera 2023ko ekitaldian hasi behar da, baina 2024an amai daiteke, eta jasotako azken justifikazioak oraindik ez dira nahikoak aurreikusitako mailara iritsi den ala ez egiaztatzeko.

Eskatutako laguntzen kopuruak behera egin badu ere, osasun-arloko langileen prestakuntzak beti laguntzen du:

- Eguneratzea eta hobetzea profesionalak dituzten ezagutzak, trebetasunak eta jarrerak ezagutzaren aurrerapenaren aurrean, zientziaren eta teknologiaren bilakaera dela eta.
- Gizartearen eta osasun-sistemaren eskaerei eta premiei erantzutea.

- 6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Atzerriko zentroetan egonaldiak egiteko beken eta laguntzen kopurua.	5	3
Estatuko unibertsitate-zentroetan graduondoko ikastaroak egiteko emandako beken eta laguntzen kopurua.	45	19



<u>Adierazlea</u>	<u>Aurreikuspena</u>	<u>Eraitza</u>
Atzerriko unibertsitate-zentroetan graduondoko ikastaroak egiteko emandako beken eta laguntzen kopurua.	5	1
Jasotako prestakuntza beraien lanposturako eraginkorra izan dela uste dutenen ehunekoa. *Prestakuntza-jarduera 2024an amaitzen denean baloratuko da (ekaina-iraila)	>75%	(*)
Familia eta komunitateko medikuntzaren garapena sustatzeko diruz lagundutako prestakuntza-jardueren ehunekoa.	>20%	4,35%
Osasunean genero-desberdintasunak murrizten laguntzen duten prestakuntza-jardueren ehunekoa.	>20%	0%



1.- Dirulaguntza-programaren izenburua

Euskadiko osasun-sistemako langileek agindutako tratamendu medikoak betetzea errazteko laguntzak, 2022ko eta 2023ko urteetakoak

2.- Araua

447/2013 DEKRETUA, azaroaren 19koa, Euskadiko Osasun Sistemako langileek agindutako tratamendu medikoak betetzea errazteko laguntzak arautzen dituena.

247/2017 DEKRETUA, azaroaren 14koa, Euskadiko osasun-sistemako langileek agindutako tratamendu medikoak betetzea errazteko laguntzak arautzen dituen Dekretua aldatzen duena.

16/2019 DEKRETUA, otsailaren 5koa, zeinaren bidez bigarrenez aldatzen baita Euskadiko osasun-sistemako langileek agindutako tratamendu medikoak betetzea errazteko laguntzak arautzen dituen dekretua.

AGINDUA, 2023ko apirilaren 19koa, Osasuneko sailburuarena, agindutako tratamendu medikoak betetzea errazteko laguntzen deialdia egiten duena, 2022ko eta 2023ko ekitaldiei dagokienez.

3.- Programaren araua, deialdia eta emate-ebazpena (EHAari Hiperesteka)

Arauk:

447/2013 DEKRETUA, azaroaren 19koa (2013-11-28ko EHAA, 227. zk)

247/2017 DEKRETUA, azaroaren 14koa (2017-11-17ko EHAA, 220. zk.)

16/2019 DEKRETUA, otsailaren 5koa (2019-02-11ko EHAA, 29. zk.)

Deialdia:

AGINDUA, 2023ko apirilaren 19koa, Osasuneko sailburuarena (2023/04/27ko EHAA, 80. zk.)

Dirulaguntza emateko ebazpena:

<https://www.euskadi.eus/agindutako-tratamendu-medikuei-atxikidura-errazteko-laguntzak-2023ko-deialdia/web01-a3koorda/eu/>

4.- Dirulaguntza-programaren azalpen laburra eta helburuak

Dirulaguntzen programa honen helburua da gaixotasun- eta premia-egoera objektiboan dauden pertsonak Euskadiko Osasun Sistemako langileek agindutako eta finantzaketa publikoa behar duten tratamendu medikoetara atxikitzea erraztea.

Hala badagokio, agindutako tratamendu mediko bat betetzearen ondorioz ordaindu dituzten zenbatekoak ordainduko dira, finantzaketa publikoa behar duten tratamendu farmakologikoei, produktu dietetikoei eta efektu eta osagarriei dagokienez.



Deialdi honetako laguntzen subjektu izango dira gaixotasun- eta premia-egoera objektiboan dauden pertsonak, baldin eta 447/2013 Dekretu finkatuaren 3.1 artikuluan adierazitako baldintzak betetzen badituzte. Hona hemen baldintza horiek:

- Osasuna babesteko eta osasun-arreta jasotzeko eskubidearen titularrak, Gizarte Segurantzako pentsiodunak badira, urtean 18.000 eurotik beherako diru-sarrerak badituzte eta Euskadiko Osasun Sistemak bermatzen duen banako osasun-txartelaren titularrak badira.
- Osasunaren babeserako eta osasun-laguntzarako eskubidearen titularrak, legezko langabezia-egoeran badaude, urtean 18.000 eurotik beherako diru-sarrerak badituzte eta Euskadiko Osasun Sistemak bermatzen duen banako osasun-txartelaren titularrak badira.
- Osasunaren babeserako eta osasun-laguntzarako eskubidearen titularrak, diru-sarrerak bermatzeko errenta laneko diru-sarrerak osatzeko errentaren modalitatean jasotzen badute eta Euskadiko Osasun Sistemak bermatzen duen banako osasun-txartelaren titularrak badira.
- Aurreko hiru ataletan aipatzen diren osasunaren babeserako eta osasun-laguntzarako eskubidearen titularren onuradunak, baldin eta Euskadiko Osasun Sistemak bermatzen duen banako osasun-txartelaren titularrak badira.
- Espainian egoiliar gisa erregistratuta edo baimenduta ez dauden eta Espainiako nazionalitatea duten pertsonen baldintza berberetan osasuna babesteko eta osasun-arreta jasotzeko eskubidea duten atzerritarrak, eskubide hori aitortzeko Euskal Autonomia Erkidegoak emandako egiaztagiria badute.

5.- Lortutako emaitzak, aurrekontuaren gauzatzea eta eragina gizartean. (Era berean, dirulaguntza-programan jasotako neurrien zerrenda ere jasoko da, hala badagokio, emakumeen eta gizonen arteko eta kolektibo gutxituekiko desberdintasunak ezabatzeko eta berdintasuna sustatzeko, bai eta natura-ondarearen kontserbazioa sustatzeko ere)

2023ko deialdiko eskabideak aurkezteko epe guztiak amaitu ondoren, guztira 40.008 eskabide aurkeztu dira (arazketarik gabe).

2024ko martxoan, EAEko herritarrek aurkeztutako eskaeren % 100 kudeatu dira. Data horretan, 2023ko ekainaren 10a baino lehen aurkeztutako eskaerak ebatzi dira, eta data horren ondoren aurkeztutakoen zati handi bat, hau da, 39.369 eskabide ebatzi dira, % 73,9k aldeko ebazpena izan zuten, eta % 26,1ek kontrakoa.

2023an emandako aldeko ebazpenen zenbatekoei dagokienez, honako hauek dira zenbatekoak: 2022ko deialditik 1.463.947,09 € (bigarren epea); eta 2023ko deialditik 623.819,76 € (lehen epea).

2023ko ekitaldiko aurrekontua gauzatzean, 2022ko deialdiaren bigarren epeko ordainketak eta 2023ko deialdiaren lehen epekoak, eta 2021eko eta 2022ko deialdiaren zenbait ebazpen barne, 2.114.447,66 euroko obligazioak aitortu dira, hau da, aurrekontu eguneratuaren % 99,8 eta baimenduaren % 99,8.

2023ko deialdiaren aldeko ebazpenei esker, batetik, gaixotasun- eta beharizan-egoeran dauden 29.000 pertsona inguruk eutsi ahal izango diote Euskadiko Osasun Sistemako langileek agindutako tratamendu



medikoari, eta, bestetik, agindutako tratamendu medikoen jarraipenik ezaren ondoriozko ondorio negatiboak saihestu ahal izango dira; izan ere, horien balorazio positiboa ez da irizpide ekonomikoen arabera bakarrik egin behar, baita beste irizpide batzuen arabera ere, hala nola gizarte-ongizatea, bizikaltatea eta abar. Horregatik guztiagatik, programa honek inpaktu positibo handia du.

6.- Dirulaguntza Plan Estrategikoaren adierazle emaitzak

<u>Adierazlea</u>	<u>Aurreikuspena</u>	<u>Emaitza</u>
Aurreikusitako eskaera kopurua	45.000	40.008